

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKI KANTON
Z E N I C A
Broj: T04 0 KT 0058218 24
Zenica, 24.01.2025.godine

OPĆINSKI SUD U VISOKOM
- Sudiji za prethodno saslušanje –
VISOKO

Na osnovu člana 45 stav 2 tačke i) i člana 241 stav 1 ZKP-a F BiH, p o d i ž e m o

O P T U Ź N I C U

Protiv:

1. B. A., osuđivan presudom Kantonalnog suda u S. broj: ... od 18.09.2015 godine, za krivično djelo iz člana 289 stav 2 u vezi stava 1 KZ F BiH na kaznu zatvora u trajanju od 2 (dvije) godine i 2 (dva) mjeseca,

2. H. H., neosuđivan,

Što su:

dana 15.04.2024. godine, oko 13,00 sati, na području općine O., zajednički i po prethodnom dogovoru, došli u dvorište porodične kuće T. N. u mjestu S., pa kada su u dvorištu zatekli N. kako stoji ispred svoje kuće i od iste zatražili da im vrati određenu sumu novca koju im je dugovao njen sin T. H. i nakon što im je ista odgovorila da joj oko toga ništa nije poznato i da to mogu prijaviti policiji, izrevoltirani tim njenim odgovorom A. se obratio H. riječima: „Ti je drži ja ću je ubosti u vrat“, držeći u ruci jednu špricu na čijem se vrhu nalazila igla, pa kada je N. vidjela tu špricu i čula šta govore te da idu prema njoj, u strahu za svoj život, vrišteći utrčala u svoju kuću i zaključala ulazna balkonska vrata u prizemlju, da bi potom, B. A. rukama i upotrebom fizičke snage odvalio komarnik na tim vratima u namjeri da uđu u kuću a H. H. udario nogom u krilo ulaznih vrata pri čemu je ista oštetio u predjelu štoka, svjesni da ovakvim nasiljem i drskim i bezobzirnim ponašanjem ugrožavaju građanski mir T. N. i ostalih njenih ukućana što su i htjeli, pa nakon što su kroz prozor balkonskih vrata ugledali T. H. koji se pojavio u prizemlju kuće, odustali od daljeg nasilnog ulaska u njihovu kuću te se udaljili u nepoznatom pravcu čime su kod T. N. i T. H. izazvali osjećaj straha i nespokoja, te im pričinili štetu u vidu oštećenog štoka balkonskih vrata u prizemlju kuće i vrata od komarnika,

čime su učinili krivično djelo Nasilničko ponašanje iz člana 362 stav 1 KZ F BiH u sticaju sa krivičnim djelom Oštećenje tuđe stvari iz člana 293 stav 1 KZ F BiH, a sve u vezi člana 31 istog zakona.